



সংবাদ বিজ্ঞপ্তি

খাদ্য নিরাপত্তা সমীক্ষার উপাত্ত ও ফলাফল বিতরণের জন্য ইউএসএআইডি জাতীয় কর্মশালার আয়োজন করলো

ঢাকা, ১৬ই জানুয়ারি -- ২০১১-১২ সালে, ইউএসএআইডি'র পলিসি রিসার্চ এন্ড স্ট্র্যাটেজি সাপোর্ট প্রোগ্রাম (পিআরএসএসপি) দেশের বিভিন্ন পরিবারের ওপর বাংলাদেশব্যাপী খাদ্য নিরাপত্তা ও কৃষির ওপর একটি সমীক্ষা পরিচালনা করে। এই সমীক্ষার উপাত্ত প্রকাশ করা হয়েছে এবং যুক্তরাষ্ট্র সরকারের "ফিড দ্য ফিউচার" উদ্যোগসহ বাংলাদেশে চলমান খাদ্য নিরাপত্তা কর্মসূচিসমূহ খাদ্য নিরাপত্তার ওপর কি প্রভাব ফেলে সেটা পর্যালোচনার জন্য এই উপাত্ত ব্যবহৃত হবে। এই সমীক্ষা থেকে প্রাপ্ত ফলাফলগুলো বিতরণের উদ্যোগের অংশ হিসেবে ইউএসএআইডি, পিআরএসএসপি'র বাস্তবায়নকারী অংশীদার আন্তর্জাতিক ফুড পলিসি রিসার্চ ইনস্টিটিউট (আইএফপিআরআই) ও বাংলাদেশ সরকার ১৬ই জানুয়ারি একটি দিনব্যাপী কর্মশালার আয়োজন করে। কৃষিমন্ত্রী মতিয়া চৌধুরী প্রধান অতিথি হিসেবে এবং নারী ও শিশু বিষয়ক মন্ত্রী ড. শিরীন শারমিন চৌধুরী, খাদ্যমন্ত্রী ড. মুহাম্মদ আব্দুর রাজ্জাক ও বাংলাদেশে যুক্তরাষ্ট্রের রাষ্ট্রদূত ড্যান মজীনা বিশেষ অতিথি হিসেবে উপস্থিত ছিলেন।

পরিবারগুলোর ওপর আইএফপিআরআই পরিচালিত সমীক্ষা বিভিন্ন জনসংখ্যাতত্ত্ব, কর্মসংস্থান সংশ্লিষ্ট উপাত্ত, ব্যয় ও পুষ্টি বিষয়ক তথ্যসহ কৃষি উৎপাদন চর্চা, উৎপাদন পরিমাণ ও ব্যয় এবং খামারের বাইরের বাণিজ্য বিষয়ক বিস্তারিত তথ্য প্রদান করবে। পাশাপাশি, সমীক্ষাটি কৃষিখাতে নারীর ক্ষমতায়ন বিষয়ক উপাত্তও প্রদান করে। উদাহরণস্বরূপ, উপাত্ত থেকে দেখা যায় যে পুরো পরিবারের আয়ের পরিমাণ নয় বরং আয়ের ওপর নারীর নিয়ন্ত্রণ থাকাকাটাই এই খাতে নারীর ক্ষমতায়নের ক্ষেত্রে সবচেয়ে গুরুত্বপূর্ণ বিষয়।

সমীক্ষা থেকে প্রাপ্ত আরেকটি গুরুত্বপূর্ণ তথ্য হলো দেশের দক্ষিণ ও দক্ষিণ-পশ্চিমাঞ্চলের (এফটিএফ উদ্যোগের কার্যএলাকা) ৬১ শতাংশই ক্ষুদ্রখামারী কৃষক। উপাত্ত থেকে দেখা যায় যে এই ভৌগোলিক এলাকায় ক্ষুদ্র কৃষকগণ (এক একর থেকে কম জমি) শতাংশ অনুসারে তাদের জমির সিংহভাগ সেচ করে, প্রতি হেক্টরে অধিক পরিমাণ সার ব্যবহার করে

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4 FAX: 880-2-9881677, 9885688

E-MAIL: DhakaPA@state.gov WEBSITE: <http://dhaka.usembassy.gov>



USAID | BANGLADESH

FROM THE AMERICAN PEOPLE

এবং বৃহৎ পরিসরের কৃষকদের চেয়ে আরো অধিক পরিমাণ ফলন পেয়ে থাকে। তবে, ক্ষুদ্র কৃষকদের ঋণ পাওয়ার সুযোগ অনেক কম এবং অতিরিক্ত সেবাসমূহ তারা বৃহৎ পরিসরের কৃষকদের তুলনায় কম খরচে গ্রহণ করতে পারে।

১৯৭১ সাল থেকে বাংলাদেশের উন্নয়ন সহায়তায় যুক্তরাষ্ট্র সরকার 'ইউএসএআইডি'র মাধ্যমে ৬শ কোটি ডলারেরও বেশী প্রদান করেছে। ২০১২ সালে 'ইউএসএআইডি' বাংলাদেশের জনগণের জীবনমান উন্নয়নে ২০ কোটি ডলারের বেশী প্রদান করেছে। 'ইউএসএআইডি' বাংলাদেশে যেসকল কর্মসূচীতে সহায়তা প্রদান করে সেগুলো হচ্ছে -- গণতান্ত্রিক প্রতিষ্ঠানসমূহের প্রসার ও গণতন্ত্রের অনুশীলন, খাদ্য নিরাপত্তা কর্মসূচীর ও অর্থনৈতিক সুযোগ-সুবিধার সম্প্রসারণ, স্বাস্থ্য ও শিক্ষা সেবার উন্নয়ন, এবং অভিযোজন ও স্বল্প কার্বন উন্নয়নের মাধ্যমে জলবায়ু পরিবর্তন পরিস্থিতির সাথে খাপ খাওয়ানো।

=====

ঢাকাস্থ যুক্তরাষ্ট্র দূতাবাসের পরিপূর্ণ তথ্য এবং বাংলা ও ইংরেজীতে বক্তব্য ও সংবাদ বিজ্ঞপ্তির জন্য আমাদের ওয়েবসাইটে <http://dhaka.usembassy.gov> এবং ফেসবুকে www.facebook.com/bangladesh.usembassy চোখ রাখুন।

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4 FAX: 880-2-9881677, 9885688

E-MAIL: DhakaPA@state.gov WEBSITE: <http://dhaka.usembassy.gov>